

國

策

地

名

考

國策地名考卷十六

歙 程恩澤纂

儀徵阮其臺先生鑒定 溧陽 狄子奇箋

河內 杜生光刊

諸小國

齊策王觸曰當今之世南面稱寡者乃二十四史記商  
鞅傳淮泗之間小國十餘是戰國除七雄及宋衛中山  
外其僅存者尙有十餘國所謂泗上十二諸侯是也茲  
以見於策者著於篇其爲當時所封及自立僭號者亦  
附錄焉

泗上十二諸侯

楚策張儀爲秦破從連橫說楚王曰章舉宋而東指則

泗上十二諸侯盡王之有已高注

見秦策

魯衛曹宋鄭陳

許之君

恩澤

案呂覽慎勢篇以滕費則勞以鄒魯則逸

以宋鄭則猶倍日而馳也以齊楚則舉而加網旃而已

矣楚世家秦魏燕趙者騏雁也齊魯韓衛者青首也鄒

費鄒邳者羅鷺也齊策今大王之所從十二諸侯非宋

衛也則鄒魯陳蔡索隱邊近泗水之側當戰國時有十

二諸侯邾莒宋魯之北通鑑注泗水出魯國十縣西南

至方與入沛宋魯鄒滕薛鄒等國國於其間地理通

秦紀淮泗之間小國十餘所謂泗上十二諸侯也錢大昕曰孟子書有鄒穆公費惠公則戰國之世小諸侯存者尙多今按孟子書尙有任滕諸國皆在泗上惟諸說中如曹孟子書有曹交閭若璩疑其滅而復封亦無的證鄭許莒等國似非當時所有分別言之可也

魯

齊策蘇秦說齊閔王曰章今大王之所從十二諸侯非宋衛也則鄒魯陳蔡此固大王之所以鞭箠使也

恩澤

案魯姬姓周公所封本少昊墟也地理志魯國有魯縣

左傳懼而遷於魯縣在今河南汝州魯山縣非此地

今爲山東兗州府曲阜縣地

志曲阜縣外城節伯傳三十四世  
淮南子作至頃公餘  
禽所築故魯城也  
為楚所滅滅之日周亦不祀

鄒

見上恩澤案鄒有二一姚姓舜後地理志沛南郡有鄒

平縣水經注鄒平縣故城北有鄒侯國舜後姚姓輿地  
廣記淄州鄒平縣古鄒國是也今為濟南府鄒平縣其  
後不知所終一曹姓顓頊後陸終第五子曰晏安周武  
王封其苗裔俠為附庸國語曹姓鄒莒地理志魯國有  
鄒縣故邾國曹姓輿地廣記兗州鄒縣邾文公所遷邑  
是也今為兗州府鄒縣俠傳十二世至儀父進爵為子

至文公遷繹劉蒼鄒山記曰邾城在山南去山二里北

有繹山說文嶧葛嶧山也段玉裁曰在今邳州西北六里與鄒縣嶧山與爾雅正義合而一之非是胡

渭曰嶧山自北而南葛嶧乃鄒文公自鄒遷繹蓋稍北

嶧之盡處故嶧陽當在下邳也數里今釋山在鄒縣南二十三里史記正義括地志元和志並同蓋自唐以來縣又北徙矣說見胡三省

通鑑戰國時穆公復其故號曰鄒邾之稱鄒在西周時

辨誤以後用夷禮故或稱邾或稱邾婁耳穆公改稱曰鄒正是復其故號趙岐孟子題詞謂魯穆公收邾曰鄒非是

或曰魯當作鄒後為楚所并玉篇以鄒為古扶風附庸國路史

魯併鄒為楚併似即指姚姓楚宣王遷其餘民於江夏

之鄒國姑識於此以俟考故江夏又有邾城今黃岡縣是呂覽高誘注以文種為

本國至魯隱公時徙鄒見項羽本紀楚世家正義似未可信

陳

見上恩澤

案陳嬀姓舜後周武王封胡公於陳以脩三

恪傳十八世至靈公無道爲楚莊王所縣旋即封之又

二世至哀公爲楚靈王所滅滅後五年楚平王卽位復

封陳其故都在今河南陳州府淮寧縣

卽古宛邱雖經播越

並未徙改又五十二年三傳至湣公復爲楚惠王所滅

自後無聞

左傳云封五十二年而後陳卒亡則湣公以後當無復封者然策士之言或不必驗抑策

文未可信歟

然秦策云吳起爲楚悼王南攻楊越北并陳蔡

悼王爲惠王曾孫在春秋後而此策以陳蔡爲十二諸

侯之二則在魏惠王時尙未亡也意必有絕而復封或

自立者今不可考矣

蔡

見上

恩澤

案蔡姬姓叔度封邑在西周圻內度服辟乃

封其子胡於蔡今爲河南汝寧府上蔡縣十七傳至靈

侯爲楚所滅平王卽位復封蔡是爲平侯於是徙都新

蔡

宋忠謂平侯徙下蔡非是

今爲汝寧府新蔡縣至昭侯又徙州來

謂之下蔡今安徽鳳陽府壽州

張琦作鳳臺本一城也

北三十里

有蔡國城卽其地也又四傳至侯齊四年復爲楚所滅

案隱曰在滅陳後三十三年春秋後二十三年

然猶未絕也說見下

高蔡

以下五條皆蔡地以不能別置一卷故附於此



楚策莊辛謂楚襄王曰章蔡聖鮑改侯之事因是以南

游乎高陂北陵乎巫山飲茹溪流食湘波之魚左抱幼

妾右擁嬖女與之馳騁乎高蔡之中而不以國家爲事

不知夫子發方受命乎宣鮑改王繫已以朱絲而見之

也原注高蔡卽上蔡思澤案此說蓋誤其改聖侯爲靈

侯宣王爲靈王尤爲武斷荀子子發將西伐蔡克蔡獲

蔡侯歸致命曰蔡侯奉其社稷而歸之楚舍蓋子屬二

三子而理其地既楚發其賞子發辭淮南子子發攻蔡

踰之宣王郊迎列田百頃而封之執圭子發辭不受二

說相符並與策文合又云其後子發爲上蔡令盤罪威

王而出奔威王宣王子也於時亦非不相及惟以爲上

蔡其地似稍差

說苑作下蔡威公亦誤

然子發所伐爲高蔡所宰

爲上蔡不害其爲兩地也蓋蔡雖一滅於靈王再滅於

惠王復并於悼王其後仍國於楚之西境所謂高蔡者

新序以高蔡爲國名亦似有見然必與國都相近

相其地望當在今湖北之巴

東建始一帶故曰北陵巫山飲茹溪流食湘波魚而荀

子亦云西伐蔡也若是上蔡下蔡則其地並在楚之東

南何得言西且距巫山絕遠又何有茹溪湘波之可言

乎楚世家云宣王六年三晉益大魏惠王尤彊故蔡亦

往朝之與乎十二諸侯之列

秦齊二策所言十二諸侯皆無泗上二字迨至

子發獲蔡侯歸而蔡乃真不祀矣然則以荀子淮南史記證之國策其人其地其時無不若合符節與春秋楚滅蔡事毫不相涉鮑彪不知蔡屢復國率意妄改反以古人爲失考亦可謂不知量矣

吳氏補注亦謂聖當作靈其謬一也

巫山

見上案見秦

高陂

見上原注陂阪也正曰池也

恩澤

案二義並本說文一

主山言一主水言未知何指新序引此作高陵

茹溪

見上原注茹飲馬也正曰姚云後語飯茹溪之疏注云

茹巫山之溪

恩澤

案水經注澧水又東茹水注之水出

龍茹山水色清徹漏石分沙莊辛說楚襄王所謂飲茹  
溪之流者也初學記引荊州記茹溪源出茹龍山水極  
清徹離騷所云遺余佩兮澧浦其地爲臨澧零陽二縣  
西北與巫山相近蜀輶日記古陽臺在奉節縣北門最  
高處其後有厓謂之藏春塢下臨小溪國策蔡聖侯飲  
茹溪之流卽此

湘波

見上原注湘水出零陵屬長沙

恩澤

案地理志零陵郡

零陵縣陽海山湘水所出北至鄢入江並無屬長沙之

說水經注陽海山卽陽朔山也

漢時稱陽海  
晉後稱陽朔

元和志湘

水出桂州全義縣東南八十里陽朔山下經零陵郡西

十里其初則觴爲之舟至洞庭日月若出入其中今出

廣西桂林府興安縣南九十里之陽海山東北流至湖

南湘陰縣西又北達青草湖注于洞庭其地似與茹溪

巫山遠不相及然湘波之魚乘流上下固無不可至也

張氏琦曰此假設馳  
騁之詞非其實也

或曰湘蓋江字之訛

鄭

西周策宮他謂周君曰章鄭恃魏而輕韓魏攻秦而鄭

亡又見魏策十八年章原注鄭河南新鄭鄭君乙二十

一年韓哀侯滅之

愚澤

案鄭姬姓宣王封其弟友於鄭

居咸林

一作械林左昭十六年疏世本云鄭桓公封械林即漢之京兆鄭縣也

在周畿內

今陝西華州也幽王時寄紆檜號遂并其地

竹書紀年晉文侯二

年同王子多父伐鄆克之乃居鄭父之邱名之曰鄭八

年王錫司徒鄭伯多父命十四年鄭人滅號十六年鄭

遷于即今河南新鄭縣也

說詳

桓公死大戎之難其民

南奔

謂械林之民

居褒斜之中謂之南鄭今爲漢中府南鄭

縣自桓公至君乙凡二十四世爲韓所滅鄭滅于韓

哀侯二年當戰國之初其國尙存故列於此

滕

宋策宋康王之時章於是滅滕伐薛取淮北之地恩澤

案滕姬姓文王子叔繡所封左傳滕爲文昭是也世本同

地理志沛郡公邱縣故滕國今兗州府滕縣西十四里

有古滕城正義及元和志並云在滕縣西南十五里卽其地惟以爲周懿王

子錯叔繡所封水經注從之未知何據此說師古已斥之說見論語質

疑至其世數及滅滕之國說尤錯出竹書紀年越滅滕

在威烈王十一年漢志滕封三十一世爲齊所滅杜氏釋列世

族譜水經注並同春秋正義滕三十世爲楚所滅通志

滕至公邱爲秦所滅此云宋滅滕新序通鑑及文獻通

考並主之未知孰是任啟運謂孟子去滕二十一年而

滕亡在赧王十四年翟灝又云滕滅於慎觀三年俱未可信

薛

見上

恩澤

案薛本任姓夏車正奚仲所封後遷于邳仲

虺居之以爲湯左相地理志魯國有薛縣今滕縣東南

四十三里

顧作西南四十里與作東南四十里並從元和志

有薛城卽其地容

齊隨筆薛自奚仲受封歷夏商及周末傳六十四代享

國千九百餘年始爲宋偃王所滅其說蓋本國策但策

止云伐宋云滅且此時之薛似非任姓竹書紀年周顯

王二十九年邳遷于薛則薛已滅矣蓋齊先滅薛後滅



邾卻先取邾地以封田忌後取薛地以封田嬰並見此史記  
所伐薛謂田氏也後爲齊魏所滅

倪

同上滕章王乃逃倪侯之館遂得而死原注侯其臣也

正曰無稽

恩澤

案倪與邾同卽小邾也亦曹姓邾俠之

後夷父顏有功於周周封其子友於邾爲附庸春秋釋  
例東海昌慮縣東北有邾城今在滕縣東南齊桓公時  
進爵爲子號稱小邾孔穎達陸淳並云春秋後六世爲  
楚所滅胡三省亦云泗上十二諸侯有滕薛邾等國則  
此時邾未亡也

成陽

秦策五國罷成舉章秦王欲爲成陽君求相韓魏又魏

策成陽君欲以韓魏聽秦原注卽秦昭十七年入朝者

當是韓人恩澤案秦本紀昭王十七年城陽君及東周

君來朝正義曰括地志濮州雷澤縣本漢郿陽縣古郿

伯姬姓之國周武王封弟季載當作叔武於郿其後遷城之

陽也後漢志濟北國有成縣劉昭曰卽春秋成國也京相璠曰同縣西南有盛鄉同縣卽漢剛縣晉爲剛

平杜注訛作剛父後又改爲亢父今兗州府寧陽縣東北三十四里有堽城壩卽其地而郿在其西南此蓋郿

所封故地其後乃遷雷澤縣索隱云地據此則成卽郿

理志廩邱縣南有成故城今無其文伯之後並非韓人但姬姓之郿在春秋時久已無聞未

必至戰國尙存且其字各異恐難合而爲一故錄此以  
俟考

安陵

魏策魏攻管而不下章安陵小國也又秦王使人謂安

陵君曰章原注魏記注召陵有安陵

恩澤

案魏世家注

本兼引召陵征羗鄢陵三處

詳見魏策

並非專主召陵水經

注洧水又東逕鄢陵縣故城南李奇曰六國爲安陵也

昔秦求易地唐且受使於此則道元蓋主鄢陵

十三州志主召

陵道元

至其所封之人則以魏爲是策云吾先君成侯

受詔襄王以守此地成侯者安陵始封之君也襄王者

魏襄王也通鑑注安陵魏地魏襄王以封其弟是也鮑  
注乃以成侯爲趙主以襄王爲趙襄子

大事記引作襄  
主其誤坐此

謂安陵兼屬趙魏故受趙之詔而受魏之憲考趙世家  
白襄子至成侯中歷五主安得親受詔且與安陵何涉  
豈以成侯襄王惟趙有之而他國不可通稱耶其亦不  
達於理矣

吳注謂大府之憲卽受詔於襄子者其  
說差是然亦以襄王屬趙則其謬同也

未

章云韓魏滅亡而安陵以五十里之地存則其亡當在  
當在破除六國之後今不可考矣

沛邱

韓策五國約而攻秦章五國罷必攻沛邱原注沛邱屬

清河正曰成皋與清河絕遠恐非補曰留成皋而將攻

沛邱必是韓地

思澤

案沛邱有數說水經注渭水又東

逕秦步高宮世名市邱與上攻秦合然於罷字難通呂

覽應言篇市邱之鼎高注市邱魏邑梁履繩曰市疑作

市讀若貝

與市字異

沛邱齊地見齊世家左傳作貝邱

傳亦作沛

昭二十年齊侯田于沛注云卽貝邱

沛貝同音省文作市今在博興縣南

按楚世家是時五國共伐秦齊獨後故將伐之說似可信然此地距成皋甚遠且諸侯卽伐齊不過侵其邊境不應深入國中則其說仍未合孔叢子論勢篇五國西誅秦留兵于成皋子順謂市邱子曰此師楚爲之主今

兵器而不散殆有異意市邱子曰先生幸而教之願以  
國寄先生子順遂見楚王云云則又小國矣未知孰是  
姑列於此

黃

衛策

高本屬宋

犀首伐黃章原注黃國名策言黃不一處此

未詳

思澤

案春秋時黃國有二一為江黃道柏之黃

在

光州楚世家正義秦時黃都羸姓在光州定城縣四十里不知何指

楚滅之一為沈如蓐

黃之黃

其地無考

晉滅之皆不及戰國惟萊子國稱萊黃史

記秦始皇本紀謂之黃膳漢置黃縣膳縣然其滅亦已  
久且未謂為黃國也疑仍是邑名如所云黃濟陽之類

下云勝黃城則黃非國也蓋卽所云墜黃城者

代 荆 吳

秦策四國爲一章南使荆吳

鮑改作齊

北使燕代之間原注

此四國後亡者也三晉滅久矣正曰無考當從舊

恩澤

案韓詩外傳云昔吳楚燕代謀爲一舉而欲伐秦姚賈

監門之子也爲秦往使之與策文合並無錯繆足徵鮑

改之妄惟其事有可疑者史記秦始皇十九年滅趙趙

公子嘉率其宗數百人代之自立爲代王東與燕合兵

軍上谷二十三年滅荆荆將項燕立昌平君爲荆王反

秦於淮南二十四年王翦蒙武攻荆破荆軍昌平君死

項燕遂自殺二十五年

六國表在二十六年

滅燕還攻代虜代王

嘉王翦遂定荆江南地所謂荆及燕代當卽指此獨吳

無考

呂氏春秋慎大覽有齊荆吳越皆嘗勝矣而鮑改卒取亡不達乎持勝也之文未知卽此吳否

鮑改

爲齊蓋以此時齊尙存耳

齊亡於始皇二十六年六國表在二十七年

然策

云復使姚賈而誅韓非始皇本紀韓非死於始皇十四

年在四國爲一之前則仍不合或者記載之文固有不

盡可據者歟 始皇本紀二十五年虜代定荆之下有

降越君置會稽郡七字越本兼有故吳地當時與諸國

通爲聲援似卽策文所言之吳附識於此

諸夷國



春秋時華夷雜處陸渾伊洛並據中原時時爲腹心之  
害降及戰國并吞殆盡然其雄視邊徼者仍不少也別  
之曰諸夷國以附於小國之後

越

西周策司寇布爲周最謂周君曰章越人請買之千金

恩澤

案越姁姓少康封少子無餘以奉禹祀號曰於越

今爲浙江紹興府會稽縣句踐滅吳徙治瑯邪今爲山

東青州府諸城縣

故城在縣東南百四十里

地理志今之蒼梧鬱林

合浦交趾九真南海日南皆越分也後漸削弱秦始皇

二十五年降越君置會稽郡越乃絕祀

越世家謂句踐傳六代至無疆

爲楚所殺諸族子爭立或爲王或爲君瀕于江南海上  
服朝於楚吳越春秋謂無疆子玉王子尊尊子親失邲  
邪爲楚所滅蓋皆絕而復立也唐書世系表無疆子蹄  
更封于歐餘山陽則其支派亦廣矣輿地志謂越傳三  
十餘葉似不止此數  
路史越有二東越姁姓南越芊姓諸儒皆  
一之非是恐漢志云云亦不免此失茲見後

揚越

秦策蔡澤見逐於趙章南攻揚越北并陳蔡原注越屬

揚州恩澤案楚世家熊渠興兵伐庸揚越至于鄂張曼

曰揚州之南越也師古曰本揚州之分故曰揚越正義說同

吳越春秋闔廬子孫避越嶺外築南武城以居之後楚

滅越越王子孫避入始興令公師隅修吳故南武城是

也通典南越亦曰蠻越其族有甌越駱越種類甚多故  
曰百越又謂之楊越大約今廣東廣州府等處皆是洪  
亮吉專指瓊州似太偏

甌越

趙策趙武靈王平晝聞居章被髮文身錯臂左衽甌越  
之民也姚注甌一作林後語作臨注云臨亦百越之一  
國策作林今雷州左側鮑注卽漢東甌閩越補曰漢東  
甌閩中地輿地志交趾周爲駱越秦爲西甌索隱云今  
珠厓僭耳謂之甌人是有甌越文選三楚注吳越南越  
閩越東甌卽閩越駱越甌人卽南越也

恩澤

案甌本水

名永嘉記甌水出永寧山行三十餘里入江昔有東甌

王都城有亭積石爲道今猶在山海經甌在海中注云

今臨海永寧縣

今永嘉縣

卽東甌故地若在南海中鬱林郡

則爲西甌也周書王會解伊尹獻令越漚在正東越之

分或云卽甌人史記東越列傳閩越王無諸東海王搖

皆越王句踐之後漢興立無諸爲閩越王都東冶

今侯官縣

立搖爲東海王都東甌號東甌王其後閩越擊東甌東

甌乃舉國徙中國處江淮之間今福建建安縣有古甌

城相傳爲漢吳王世子劉駒圍東甌處其浙江温州府

古稱東甌則其故地也至江蘇上元縣西南七里有故

越城殆即其所徙歟越絕書以此為東甌越王所立或云即范蠡所築大約在

廣東廣西者為南越亦名揚越又名駱越亦名西甌又稱甌人芋姓與

同在福建浙江者為東越亦名甌越甌謂東甌在浙江越謂閩越在福建

合之皆姒姓史記作稱東越姒姓驕氏路史引梁四公記以合浦洛黎縣

為甌越董道又謂甌越即於越之訛俱未是

巴蜀

並見秦

義渠

秦策義渠君之魏章高注義渠西戎國名鮑注北地郡

有義渠道恩澤案此說見地理志應劭曰義渠北地也

史記匈奴列傳岐梁山涇漆之北有義渠韋昭曰義渠

本西戎國有王秦滅之今在北地括地志寧原一本慶

三州春秋戰國時爲義渠戎國之地索隱義渠有二十

五城秦昭王滅之事見六國表秦惠文王後元十一年昭字疑誤正義義渠本

周先公原本有劉字似誤不窋之所居古西戎也今甘肅寧州

有義渠城凡慶陽一府皆其地

### 東胡

同上甌越章東有燕東胡之境西有樓煩秦韓之邊原

注正義云東胡烏丸之先也後爲鮮卑在匈奴東故曰

東胡括地志東胡漢初冒頓滅之餘保烏丸山因號烏

丸恩澤案伊尹四方令正北東胡孔衍注云北狄之別

名詳見後漢書烏桓鮮卑傳廣韻引前燕錄云昔高辛氏遊於海濱

留少子厭越以居北夷過於紫蒙之野號曰東胡其後

爲慕容氏正義趙東有營州之東北營州之境卽東胡

烏丸之地顧祖禹曰今大寧衛古營州地夏商時冀州

周爲幽州春秋時爲山戎戰國屬燕服虔曰古東胡地

也

樓煩

見燕

秦韓

見上原注正義云林胡樓煩卽嵐勝之北也嵐勝以南  
石州離石藺等趙邊邑也秦隔河也晉洛潞澤等州皆  
七國時韓地趙西境也

恩澤

案此以秦韓卽七國之二

似非策文所指後漢書東夷傳韓種有三一曰馬韓一  
曰辰韓一曰弁辰馬韓在西有五十四國辰韓在東十  
有二國弁辰在辰韓之南亦十有二國辰韓耆老自言  
秦之亡人避苦役適韓國馬韓割東界地與之其名國  
爲邦馬爲弧賊爲寇行酒爲行解相別爲徙有似秦人  
故或名之爲秦韓晉書辰韓在帶方

郡名

南東西以海爲

限馬韓居山海之間無城郭凡有小國五十六大者萬



戶小者數千家各有渠帥又曰辰韓在馬韓之東自言秦之亡人避役入韓韓割東界以居之立城柵言語有類秦人由是或謂之秦韓初有六國後稍分爲十二并韓亦十二國皆屬於辰韓北史新羅者本辰韓種也地在高麗東南辰韓亦曰秦韓相傳言秦世亡人避役來適馬韓割其東界居之以秦人故名之曰秦韓其言語名物有似中國人辰韓王常用馬韓人作之不得自立王則辰韓卽秦韓也正與東胡樓煩爲一類雖其得名在秦後然戰國時或已有此未可知也此下數篇皆言脩胡之事似以辰韓爲是惟於西字不甚合耳

參胡

同上變服騎射以脩燕

原作其

參胡樓煩秦韓之邊原注

言參錯居其邊地正曰參史作三因音而訛也據上文

則參當作東字訛

思澤

案索隱林胡樓煩東胡是三胡

也路史參胡妘姓韓也惠連國則參胡實有其地蓋亦韓種惟以上文考之當從吳說

林胡

見燕

山戎

趙策謂趙王曰章趙王因起兵南伐山戎原注戎近秦

伐之以偪秦

思澤

案春秋齊人伐山戎服虔曰山戎北

狄蓋今鮮卑也樂史曰山戎國今幽州東二百一十三

里漁陽縣也胡三省曰自漢北平無終白狼以北皆大

山重谷諸戎居之春秋謂之山戎顧祖禹曰今直隸永

平府境或曰卽北戎也又云春秋時山戎爲無終國在

今玉田縣

此係舊說攷見趙策

此地距秦甚遠不可云近蓋趙將

出兵戍韓魏之西邊故中道侵戎以饋兵食耳舊說非

是

匈奴

燕策燕太子丹質於秦章願太子急遣樊將軍入匈奴

以滅口恩澤案伊尹四方令正北匈奴亦北狄也風俗  
通殷時曰獯粥改曰匈奴漢書匈奴傳其先夏后氏之  
苗裔曰淳維唐虞以上有山戎獯粥居于北邊晉  
灼曰堯時曰葷粥周曰獫狁秦曰匈奴胡三省曰樂彥  
括地譜夏桀無道湯放之鳴條三年而死其子獯粥妻  
桀之衆妾避居北野隨畜移徙中國謂之匈奴其言夏  
后苗裔或當然也以今考之大約其地自唐虞以來已  
爲北夷所據而匈奴之種則始自夏末其勢則強自戰  
國凡燕趙秦三國皆與爲邊隣

北夷

燕策齊伐宋章北夷方七百里加之以魯衛此所謂強  
萬乘之國也而齊并之是益二齊也原注北夷齊之北  
國正曰索隱云北夷謂山戎北狄附齊者正義云齊桓  
公伐山戎恩澤案桓公所伐之山戎與孤竹令支相近  
在今永平府界距齊甚遠中隔燕趙恐非一時所能并  
疑必齊之北境有夷種未殄者故齊欲得之也證之本  
策殆卽田單所攻之狄歟說見下

狄高本  
作翟

齊策田單將攻狄章原注狄北胡正曰史田僭狄人徐  
廣注今樂安臨濟縣正義曰淄州高宛縣西北狄故城

恩澤

案地理志千乘郡有狄縣郡國志樂安國臨濟縣  
本狄安帝更名地道記曰狄伐衛懿公卽此今山東青  
州府高苑縣西北二里有臨濟城故狄邑也或曰春秋  
時長狄所居因名此在齊之北境當卽蘓代所云北夷  
惟一縣之地未必有七百里殆策士誇大之詞不足案  
據歟

九夷

秦策謂魏冉曰章楚包九夷又方千里又魏策楚許魏  
六城章楚包南陽九夷內沛原注九夷疑當爲九嶷正  
曰大事記李斯書云惠王用張儀計南取漢中包九夷

制鄢郢九夷卽屬楚之夷

說本方

孔子在陳蔡相去不

遠所以有欲居九夷之言此與集注異愚謂此言破南

陽之九夷也

思澤

案爾雅疏夷有九種曰畎夷于夷方

夷黃夷白夷赤夷元夷風夷陽夷論語疏九夷一曰元

菟二曰樂浪三曰高驪四曰蒲舒

一作蒲節

五曰島夷

一作鳧夷

六曰索家七曰東屠八曰倭人九曰天鄙皆主東夷言

說文謂東方仁有君子不死之國故孔子欲居之其說

本未可信而國策九夷尤以舊注爲長惟鮑說則非是

胡

齊策蘓秦說齊閔王曰章胡人襲燕樓煩數縣取其牛

馬恩澤

案此胡卽林胡東胡之屬詳見各策



國策地名考卷十七

欽 程恩

儀徵阮芸臺先生鑒定 溧陽 秋子

受業程德威校

諸國隙地

國策地名有介乎疑似而今不可考者若憑私臆斷強以某地屬某國則信心太過恐爲大雅所譏茲彙爲一小卷取左傳隙地二字以統之名之曰諸國隙地

山東

秦策頃襄王二十年章王襟以山東之險帶以河曲之

利思澤

案山東史作東山

新序

胡三省曰謂華山以至

殺塞諸山皆在咸陽之東原導指秦地言但策既作山東不得依史記為說故列於此凡般面以東皆山東也

### 西山

燕策燕代謂燕昭王曰章秦取西山諸侯西面而朝

思

澤

案帝王世紀秦寧公葬西山大麓故號秦陵山

按秦本紀

次公亦葬西山

括地志秦陵山在岐州陳倉縣西北三十七里

此秦地也胡三省曰自宜陽熊耳東連嵩高南至魯陽

皆韓之西山此又一說似較舊解為勝然亦不必專屬

韓也

河濟

秦策謂秦王曰章則臣恐諸侯之君河濟之士以王爲  
吳智之事也原注濟水在溫西北此言中國爾正曰濟  
水出絳州垣曲縣王屋山伏流至孟州濟源縣出二源  
合流至溫入河出河南溢而爲滎白鄭以東貫滑曹邠  
濟齊青入于海恩澤案河謂大河濟謂濟水注專主濟  
言似誤

江河

楚策唐雎見春申君曰章不避絕江河行千餘里來恩

澤案江謂岷江河卽大河也詳見各策

午道

趙策蘓秦從燕之趙章魏塞午道又張儀爲秦連橫說  
趙王曰章一軍塞午道告齊使興師渡清河軍於邯鄲  
之東原注王莽傳注今京城直南山有谷通漢梁道者  
名子午谷又宜州西慶州東有山名子午嶺南北直相  
當此則北山是子南山是午共爲子午道詳此則午道  
秦南道也塞之使不得通莽所通者因秦也正曰索隱  
云當在趙東齊西午道地名也鄭元云一從一橫爲午  
謂交道也恩澤案風土記云王莽以皇后未有子通子  
午道從杜陵直抵終南山是午道卽子午谷也圖經谷  
長六百

六十里北口曰子元和志舊道在金州安康縣界今在漢中

在西安府南百里府洋縣東一百六十里梁將軍王神念別開乾路更名子午道在

洋州黃金縣鐵城驛其在洋州東三十里曰龍亭者即

入子午谷之路但此乃秦地似非策文所指劉伯莊云

午道齊西界正義曰蓋在博州西境皆指齊言史作其

道索隱曰即河內之道則又指魏言地理通釋亦主鮑注疑誤

新城 陽晉

韓策韓人攻宋章秦王大怒曰吾愛宋與新城陽晉同

也原注括地志新城故城在宋州宋城縣界陽晉故城

在曹州乘氏縣西北恩澤案此不知何屬

牛蘭

楚策五國約以伐秦章夫牛蘭之事馬陵之難親主之

所見也原注牛蘭未詳

恩澤

案地理志秦滅縣有牛蘭

山卽水所出

亦見水經注

郡國志南陽郡魯陽縣有牛蘭累

亭注云謝沈書云牛蘭山也水經注牛蘭水出魯陽縣

北牛蘭山

今汝州魯山縣有牛蘭水注于潁水

寰宇記海州朐山縣有牛

欄村

元和志云麋竺放牧之所

方輿紀要湖南新化縣南百里有牛

欄山爲控扼之處其相連者曰梅山曰風嶺

革下

魏策楚許魏以六城章尺

鮑作斤

楚人遽于革

鮑作革

下原

注地缺豈鬲耶補曰革疑華恩澤案史記淮陰侯列傳

從間道革山而望趙軍漢書韓信傳同革下似卽革山之下然

舊注解爲蔽覆其地亦不相及

章武

同上西山章昔者楚取章武諸侯北面而朝原注章武

屬渤海恩澤案漢志勃海郡有章武縣河水至此入海

~~舊地志~~卽魯城縣寰宇記廢乾符縣在滄州北百里清地

~~縣東南~~山縣西北本漢章武縣地今爲天津府天津靜海二縣

地據地理志趙東有渤海之章武河以北則此當爲趙

地然是時齊地亦至渤海且策無明文不可臆決也

臨武

楚策天下合從章僕欲將臨武君原注未詳補曰荀子  
議兵篇臨武君與荀子議兵於趙孝成前注楚將劉向  
作孫臏世遠非是

恩澤

案史記樊鄴滕灌列傳漢王賜

噲爵爲列侯號臨武侯漢志桂楊郡有臨武縣章懷太  
子曰今郴州縣也縣西有武水故氏之今爲湖南桂陽  
州臨武縣錢大昕曰戰國之際趙有臨武君未必遠取  
桂陽之臨武洪亮吉曰今甘肅寧夏府簡爲臨武郡唐  
曰臨州

比陽

高本作  
北陽



趙策或謂皮相國曰章魏殺呂遼而衛兵亡其比陽而  
梁危原注屬南陽衛附秦故魏殺秦重臣衛爲之亡魏  
之鄙以危之正曰衛附魏衛兵衛被兵也兵秦兵也

恩

澤

案漢志南陽郡有比

比當作泚下並同說見趙策

陽縣應劭曰泚

水所出東入蔡水經注泚水出比陽東北大胡山西至  
新野縣南入于清路史云卽比干國今河南南陽府泌  
陽縣西有比陽故城但此地高作北陽本無定所卽如  
鮑注亦非衛所能及吳說尤非

襄安

趙策齊將攻宋章臣又願足下有地効於襄安君以資

臣也原注基趙人

恩澤

案地理志廬江郡有襄安縣

衡

辨崇篇項羽攻襄安襄安無噍類今史記無此事惟項羽本紀羽攻襄城不下皆阮之又高祖本紀項羽嘗攻襄城襄城無噍類徐廣曰遺一作噍見漢書與充說同則襄安即襄城無疑

洪亮吉曰故城

在今廬州府無爲州南四十里襄安鎮

澮北

魏策魏公叔痤爲魏將章而與韓趙戰澮北原注說文

澮水出霍山西南入汾

恩澤

案澮源有二一出翼城縣

烏嶺山一出絳縣東北大交鎮俱西流入絳州南之王

澤注于汾所謂有汾澮以流其惡也或云澮出開封府

密縣古鄆城西北則以鄭之澮爲晉之澮矣或又云澮

水亦名少水非是京相璠曰少水卽沁水

夏

楚策張儀相秦章陳軫夏人也習於三晉之事原注夏

中國也

恩澤

案史記張儀列傳贊曰三晉多權變之士

大言從橫強秦者大抵皆三晉之人也以軫爲晉人與

策文合

高誘注本云陳軫夏人見文選注

則夏當爲今山西夏縣然貨

殖列傳云潁川南陽夏人之居又云其任俠交通潁川

故至今謂之夏人則夏字所包者廣恐難專屬耳

茲

魏策客謂司馬食其曰章謂茲公不知此兩者又不知

茲公者也原注茲公未詳史夏侯嬰食茲氏注太原縣名春秋昭五年注莒邑者又地不相涉恩澤案地理志

太原郡有茲氏縣寰宇記云汾州西河孝義二縣皆漢

茲氏縣地故城在今汾州府城南十五里郡國志琅邪

國有姑幕縣注云縣東有茲亭卽莒牟夷邑也今在諸

城縣境內此舊說所本也又元和志蔚州靈邱縣西有

茲水今正定縣又有茲水寰宇記鄱陽有茲鄉此本不知何人皆

可備考

封陸

燕策秦召燕王章封陸之戰高商之戰原注魏哀十八

年秦敗我封陵韓記注岸門封陵亭名岸亭在潁然則  
封陵亦屬潁川恩澤案鮑改陸作陵故爲此說二字古  
本相通然原本作陸當存其舊卽封陵亦不屬潁川說  
魏

高商

見上原注史不書今無考

懷

趙策

鮑本屬秦

秦攻趙章昔者秦人下兵攻懷原注屬河內

恩澤

案以范睢傳考之懷當屬魏安釐王九年秦拔我

懷是也然竹書紀年秦師伐鄭次于懷史記趙成侯四

年魏敗我懷則其地又分屬三晉策無明文不可審知也餘見秦

觀

韓策

鮑本鮑改作魏觀魏非是

鞅謂春申曰章原注

此係吳氏說見策札今本

無後語云觀人朱英注觀地在河北平原史作觀津人

朱英班志信都國觀津縣正義以為魏州觀城縣非是

恩澤

案今冀州武邑縣東南二十五里有觀津城六國

時趙邑也樂毅封觀津即此

古隄尚有存

又有觀津邱在縣東

南二十七里觀本趙地而朱英之為趙人策無明文

故列於此

鹿

燕策燕王噲既立章鹿毛壽謂燕王曰原注鹿蓋鉅鹿

壽之所居補曰徐廣云一作厝毛甘陵縣本名厝音索

隱云春秋後語亦作厝韓子作潘壽恩澤案漢之鉅鹿

今爲直隸順德府平鄉縣漢之甘陵今爲山東東昌府

清平縣壽燕人於鉅鹿爲近然亦非燕地也且依本文

說爲是耳

綱目正誤以鹿毛壽爲人姓名則并非地名矣

崑山

趙策趙收天下章而崑山之玉不出也原注後志金城

臨羌有崑山正曰正義云崑岡在于閩國東北出玉恩

釋

案崑山史作昆山淮南子作鍾山注云鍾山卽崑崙

山海經流沙出鍾山卽此崑山也儲大文曰今由西寧

西南渡黃河南望阿拉克板兒山所謂崑崙山也胡渭

曰傳記言崑崙凡四處一在西域山海經崑崙墟在西

北河水出其東北隅水經注自崑崙至積石一千七百

四十里是也一在海外大荒經云西海之南流沙之濱

有大山名曰崑崙其下有溺水之淵環之此山與條支

大秦國相近禹本紀云去嵩高五萬里者是也一在酒

泉漢志金城臨羌縣西北有西王母石室西有溺水崑

崙山祠崔鴻十六國春秋酒泉南山卽崑崙之體括地



志昆侖山在肅州酒泉縣南八十里今肅州衛西南崑崙山是也一在吐蕃唐書吐蕃傳自湟水入河處西南行二千三百里有紫山直大羊同國古所謂崑崙山閼摩黎山東距長安五千里河源其間又見通典是也此崑崙山不知何指舊說多據酒泉言

持邱

趙策鄭同北見趙王章今有人操隋侯之珠持邱之環萬金之財時宿於野內原注未詳持下脫一字恩澤案鮑以持字與操字屬對成文亦似可通然如此解則下文萬金之財句亦當有缺字黃丕烈曰持邱地名與隋

侯對操字貫下三句其說可存

若耶

太平御覽引戰國策云涸若耶以取錫破忠山而出錫  
又寰宇記若耶山在會稽縣東南四十五里若耶溪在  
縣東南二十八里越絕書若耶之溪涸而出銅古歐冶  
子鑄劍之所故國策云云恩澤案水經注石帆山東帶  
若耶溪吳越春秋所謂歐冶涸而出銅以成五劍卽此  
地至當塗縣宋爲鍾離縣之莫耶山亦見寰宇記乃干將莫邪鑄  
劍之所與此異

忠山

見上

恩澤

案忠山一作忠山本作堇山蓋以形近而訛

越絕書赤堇之山破而出錫寰宇記赤堇山在會稽縣

南三十三里會稽記昔歐冶子造劍於此其說並與上

文合是堇山卽忠山也

虞坂

水經注引戰國策云昔騏驎駕鹽車上於虞坂

屈賈列傳索隱

引國策作上太山中坂

逕延負轅而不能進

今見楚策汗明見春申君章但其文小異

恩澤

案郡國志河東大陽縣有顛軫坂注引博物記曰

在縣鹽池東吳城之北今之吳坂杜預曰在縣東北戴

延之曰自上及下七山相重水經注顛軫在傅巖東北

十餘里東西絕澗中則築以成道指南北之路謂之輪  
橋橋之東北有虞原原上道東有虞城其城北對長坂  
二十許里謂之虞坂引國策云云襄宇記虞坡一名吳  
坂在虞城北十三里卽晉假道伐虢處洪亮吉日吳山  
在解州安邑縣東南三十二里跨夏縣平陸縣界一名  
虞山又名吳坂

又陝西隴州亦有吳山卽西嶽也與此異

諸國姓氏地

古者錫姓命氏有以國者亦有以邑者胡三省註資治  
通鑑皆考其源流詳具本末體例最善茲仿其意擇其  
於古有徵者得五十餘條作諸國姓氏地考一小卷以

附於諸國隙地之後其已見各策如陳蔡宋鄭之類概  
不重出

申

秦策或爲六國說秦王曰章以與申縛遇於泗水之上

原注申諸姜

恩澤

案姓譜四岳之後封于申周有申伯

鄭有申侯

御批通鑑輯覽  
此說

齊有申鮮虞潛夫論申城在南

陽宛北亭山之北地理志申在南陽宛縣今爲南陽府

南陽縣又汝寧府信陽州本漢之平氏後周及唐皆曰

申州豈申之始封歟

呂

東周策周相呂倉章

恩澤

案呂有三一爲申呂之呂潛

夫論宛西三十里有呂水經注呂在宛縣

又新蔡有大呂小呂亭

御批通鑑主之

地理通釋故呂城在鄧州南陽縣西四十里今

南陽府城西三十里有呂城俗名董呂村一爲呂郤之

呂左傳呂郤畏偃今霍州西三里有呂鄉西南十里有

呂城或謂呂卽陰邑州東南十五里又有陰地村一爲

呂留之呂地理志楚國有呂縣今在徐州府城北

蘓

東周策東周欲爲稻章蘓子謂東周君曰

恩澤

案通志

氏族畧蘓已姓顓頊裔封于蘓鄴西蘓城是也路史懷

之武德有古蘓城在濟源西北二里孟之溫縣西南三十里有古溫城爲蘓忿生之邑王氏卮言左傳王與鄭以蘓田十二溫居一焉則始封於蘓而溫特爲蘓田耳其後遂以爲國 御批通鑑輯覽曰忿生食采于溫亦曰蘓城觀左傳卽以蘓子爲溫子可見

甘

東周策秦攻宜陽章甘茂羈旅也恩澤案郡國志河南

有甘城鄭康成曰故甘城在河南城西二十五里俗曰

鑿城

鑑可  
聲近

在甘水東十里

水經注  
畧同

杜預曰河南縣西南

有甘水王子帶食邑括地志故甘城在洛州河南縣西

南二十五里今在洛陽縣西其宜陽縣東之鹿蹄山卽  
甘水所出也

尹

趙策智伯帥趙韓魏而伐范中行氏章世治晉陽而尹

鮑木澤循之恩澤案路史少昊子般封尹在汾州及周

爲尹氏采邑御批通鑑輯覽尹鐸周尹氏之別江永

曰宜陽有尹谿尹谷並見水經注較汾州爲近今按左

傳有尹道或卽其地

樊

西周策韓魏易地章樊餘謂楚王曰恩澤案姓譜周宣



王封太王之子虞仲支庶孫仲山甫於樊後因氏焉路  
史今京兆杜陵有鬱鄉仲山甫邑王符以爲封南陽摯  
虞以爲襄之鄧城然究之瑕邱亦云樊仲皮國吉甫之  
墓則在南皮地理通釋樊一名陽野王縣西南有陽城  
今兗州府滋陽縣西南二十里有樊縣故城又懷慶府  
武陟縣西南四十里有樊城

元和姓纂  
主後說

芮

魏策芮宋欲絕秦趙之交章原注魏人恩澤案此蓋以  
國爲氏者地理志芮鄉故芮國地理通釋同州馮翊縣  
本芮國漢臨晉縣地屬左馮翊隋改縣曰馮翊又陝州

似當芮城縣本魏國地魯桓公時芮伯萬出居於魏卽  
作解此地漢爲河北縣後周改曰芮城

畢

趙策晉畢陽之孫豫讓章原注畢萬之後恩澤案畢有

二汲冢古文畢西于豐三十里皇覽文王墓畢括地志

畢原在萬年縣西南二十八里

洪亮吉云畢原當在今咸寧縣西南言在咸陽

者疑因秦陵而誤

雍錄畢在渭南此文武周公墓地也鄭箋畢

終南之道名也杜預曰畢國在長安西北此畢公高所  
封也畢萬乃畢公之後其地當在咸陽

馮

趙策秦王謂公子他曰章乃使馮亭代靳黈恩澤案馮

姓有二地說文鄆姬姓今范陽李澤中有馮水卽故馮

地古馮夷國東觀記魏之別封曰華侯華侯孫長卿食

采馮城廣韻畢公後食采馮城春秋有馮簡子杜云歸姓似又

一後漢馮魴亦云魏之支庶其地在周畿內定六年鄭

伐馮滑是也

龐

齊策田忌爲齊將章禽龐涓原注魏將恩澤案廣韻龐

姓畢公高之後支庶封于龐因氏焉急就篇補注龐楚

邑也越世家云龐長沙楚之粟也蓋以邑爲氏則其地

當與今長沙府相近

蒙

燕策燕太子丹質於秦章厚遺秦王寵臣中庶子蒙嘉

恩澤

案風俗通東蒙主以蒙山爲氏蒙山在魯城東故

曰東蒙今在山東蒙陰縣

祝

東周策謂薛公曰章聽祝弗相呂禮者欲取秦也原注

祝弗齊人

恩澤

案樂記武王封黃帝之後于祝或曰其

子孫因氏焉通雅今濟南府長清縣卽祝也春秋謂之

祝阿

田

秦策田華之爲陳軫說秦惠王曰章原注皆齊姓

恩澤

案應劭云始食采地由是改姓田氏正義完旣奔齊不

欲稱本國故號故改陳爲田

張宗秦曰改陳爲田亦取其聲相近也

譚

齊策孟嘗君逐於齊而復反章譚拾子迎之於境

恩澤

案春秋齊人滅譚杜注譚國在濟南東平陵縣水經注

武原水出譚城南平澤中世謂之武原淵北逕譚城俗

謂之布城今濟南府東南七十里有譚城拾子齊人殆

以國爲姓者歟

說本急就篇  
顏師古注

劇

燕策燕昭王收破燕後章劇辛自趙往

恩澤

案通鑑注

劇姓莫知其所自出班志北海郡有劇縣蓋其先以縣  
爲姓也餘見齊

顏

東周策秦與師臨周章以告顏率

恩澤

案元和姓纂引

王儉譜云出自魯侯伯禽支庶食采顏邑因氏焉真卿  
尙書譜云未知何憑然姓氏急就篇亦載此說但其地  
不知所在耳

楊

秦策宜陽之役章楊達謂公孫顯曰恩澤案元和姓纂

周武王第三子唐叔虞之後至晉出公遜於齊生伯僑  
歸周天子封爲楊侯子孫以國爲氏一云周宣王曾孫  
封楊爲晉所滅其後爲氏焉姓氏急就篇晉羊舌肸食  
采於楊亦曰楊肸達其後也其地在今洪洞縣東南十  
五里

庸

秦策秦宣太后愛魏醜夫章庸芮爲魏子說太后曰高

注秦臣

恩澤

案元和姓纂庸蜀殷時候國周武王時來

助伐紂子孫以國爲氏姓氏急就篇庸氏國名詩孟庸

注庸姓也引此

按詩孟庸疑是邾邾之庸非春秋庸國也

姚

秦策四國爲一章姚賈對曰

恩澤

案元和姓纂虞舜生

於姚墟子孫以姚爲氏姓氏急就篇引此爲證其地在

在今浙江餘姚縣

屈

秦策甘茂約秦魏而攻楚章楚之相秦者屈蓋原注凡

屈皆楚人

恩澤

案路史武子瑕邑號屈侯綱曰集覽楚

武王子瑕食采于屈因氏焉左傳楚有州屈或曰在今

鳳陽府鳳陽縣西



項

秦策文信侯欲攻趙章夫項彙生七歲而爲孔子師恩

譯

案左僖十七年滅項杜注項國今汝陰項縣地理志

汝南郡有項城縣括地志卽古項子國後爲楚地項氏  
世爲楚將卽封於此今屬河南陳州府

聶

韓策韓傀相韓章齊人或言軹深井里聶政恩澤案通

鑑注姓譜云楚大夫食采于聶因以爲氏路史邢有聶

僖元年本衛大夫菜或疑後屬楚又云卽攝楚有攝叔俱非

當別有楚地名聶者然邢與軹不甚相遠或者楚自有

蟲邑而此則爲縣政受姓之地

杜

東周策杜赫欲重景翠于周章原注周人正曰楚杜赫

恩澤

案左傳在周爲唐杜氏國語杜伯射王子郇杜之

得姓久矣其地在京兆杜縣亦曰下杜詳見秦策杜陵

下

范

秦策范子因王稽入秦章原注凡范皆晉舊姓故史云

魏人

恩澤

案左傳晉主夏盟爲范氏杜注杜伯之子隰

叔奔晉四世及士會食邑於范漢志東郡有范縣元和

志云范縣在濮州東北六十里寰宇記壽張縣有范城

晉范氏食邑又河南道濮州有范縣

路史主濮州云與壽張異

顧棟

高曰范本衛地狄滅衛晉又滅狄故爲晉地其後范氏叛晉卽齊又爲齊地孟子自范之齊卽此今屬曹州府故城在今縣東南二十五里江永曰范去晉遠春秋時晉恐不能有其地士會所食之范當在山西平陽府境

荀

同上田章荀息曰

恩澤

案竹書紀年晉武公滅荀以賜

大夫原氏黯是爲荀叔又云文公城荀臣瓚曰今河東有荀城古荀國寰宇記冀州圖云古荀城在絳州正平

縣卽臨汾故城在今絳州東北二十五里

西十五里卽重耳所居之所或

謂荀卽郇非是郇伯爵文之昭荀侯爵武之穆

孔晁云唐荀皆

成王弟

郇在今虞鄉縣西南

服虔曰郇在解縣東卽郇瑕氏之墟段玉裁曰今山西蒲

州府臨晉縣東北十五里有故郇城

荀在今絳州西十五里雖相近而實

非一地

智

見上尹下原注

見周策

智伯晉卿智襄子之孫瑤

恩澤

案

郡國志河東解縣注引博物記曰有智邑

古今地名亦云

括地

志故智城在蒲州虞鄉縣西北四十里虞鄉今屬蒲州

府解縣今爲解州地相接

虞

楚策虞卿謂春申君曰章原注不知何所人

恩澤

案史

記虞卿傳虞卿者游說之士為趙上卿故號為虞卿譙

周曰食邑於虞索隱趙之虞在河東大陽縣今之虞鄉

縣是也

此說稍誤虞鄉是漢縣地非大陽縣地也

括地志故虞城在河北

縣虞山之上

御批通鑑輯覽今在山西解州平陸縣

洪亮吉曰縣東北六十里有虞城一名吳城即故虞國

也班固云大陽縣吳山上有吳城

任

魏策智伯索地於魏桓子章任章曰原注魏人

恩澤

案

任有二一為任宿之任風姓國孟子時有季任漢置任

城縣

後漢置任城國

今為山東濟寧州一為邢任之任晉邑鄭

羽頡奔晉為任大夫漢置任縣今屬直隸順德府又任

本夏車正奚仲之姓章不知其何屬

時魏又有任姪

或云以國

為姓說尚未脩

段

齊策邯鄲之難章段干綸曰高注段干姓綸名鮑注

見秦

策

凡段干皆魏人補曰史注段干魏邑路史段干李姓

邑初邑段後邑干因邑而氏

恩澤

案通鑑注唐人氏族

志曰李耳之後有李宗魏封干段為干木大夫此似以

段干木三字皆爲地名殊不可通孫星衍元和姓纂策校亦以唐表爲非  
有段產則以一字爲姓又有段干越人則以兩字爲姓  
未聞以木亦爲姓者蓋木本人名非地名也卽段干二  
地亦無的處春秋宣十七年同盟于斷道左傳謂之卷  
楚世本作段則段斷古通吳氏曰今沁州東有斷梁城  
三面絕澗廣袤二里水經注云卽銅鞮縣之上虜亭也  
段地無考或卽此歟

干

見上

恩澤

案干本衛邑詩出宿于干是也地有發干山

寰宇記別有干言山在堯山縣西五里

漢志東郡有發干縣又衛公國有

竿城劉昭曰卽故發干城也水經注河水東逕鐵邱南

河之西岸有竿城

引郡國志云云

今在東昌府堂邑縣西南二

十五里

方輿紀要謂在直隸清豐縣西南三十里乾隆圖志謂在開州北俱似未的

然路史

云蹇叔處干干國也開封有邲溝段干木廟則其地並

無一定高誘呂覽注以爲吳邑

卽干

更與此無涉

新垣

趙策秦圍趙之邯鄲章魏王使客將軍新

鮑本作辛

垣衍間

入邯鄲原注元和姓纂衍畢公高之後

恩澤

案陳留風

俗傳周畢公之後居于梁爲新垣氏梁有新垣衍漢有

新垣平括地志新垣近曲陽未詳端的之處曲陽故城



在懷州濟源縣西四十里

向

東周策昭獻在陽翟章令向公之魏

恩澤

案急就篇向

國名姜姓其後以爲氏地理通釋軹縣有地名向上

郗

同上尹章郗疵謂智伯曰原注晉人補曰說文作緡

今說

文亦作郗姚注元和姓纂郗已姓青陽氏之後

恩澤

案左傳

王與鄭田有緡杜注在野王縣西南郡國志波有緡城

括地志在河內縣西三十二里今在懷慶府西南三十

里一名付遠城

苦成

趙策苦成常

一作

謂建信君曰章

下傳

案左傳成十四

年衛侯饗苦成叔王符曰卻犇食采於苦曰苦成路史

苦成故城在今山西解州鹽池東

肥

趙策武靈王平晝閒居章肥義侍坐曰原注元和姓纂

肥義趙賢人

愚澤

案

御批通鑑輯覽肥以鄉爲氏今

正定府藁城縣西南有肥累城卽春秋肥國

後封肥如今盧龍縣

唐

秦策天下之士章於是使唐雎載音樂子之五千金居

武安

恩澤

案古唐地甚多其以國名者

後堯

本在夏墟後

徙許鄧之間今爲湖北隨州北八十五里之唐城鎮

古卽

之上

唐鄉其在直隸唐山者則堯故國在山西太原者則晉

所遷國也

此係舊說見前

又左傳公及戎盟于唐

卽棠邑

在今魚

臺尹辛敗劉師于唐在今洛陽

見周策

路史劉累所封爲

南唐

今南陽府唐縣疑卽其地

復有廣唐北唐之類皆冒其名唐姓

不知何屬或曰蓋以國氏

郭

同上劇章故往見郭隗先生曰

恩澤

案

御批通鑑輯

覽曰郭郭公之後在今東昌府聊城縣新序以郭爲北

燕之地蓋卽號也見左傳昭七年郭號古通急就篇以郭爲號公

醜後

顛

秦策秦王欲見顛弱章

恩澤

案漢志汝南

杜注作汝陰

郡有

南顛縣故顛子國姬姓應劭曰顛迫於陳其後南徙故

曰南顛今爲陳州府商水縣

張宗泰曰南顛爲今項城縣地不在商水

徐

宋策魏太子自將章外黃徐子曰

恩澤

案地理志臨淮

郡有徐縣郡國志屬下邳國拈地志徐城縣西四十里

有大徐城

杜注在下邳僮縣東南

卽古徐國也今在泗州故虹縣

境

西門

魏策西門豹為鄴令章

恩澤

案

御批通鑑輯覽曰西

門蓋以地為氏

元和姓纂鄭大夫居西門因氏焉姓苑云後為西氏

淳于

齊策淳于髡一日而見七人於宣王章

恩澤

案元和姓

纂引風俗通曰春秋時小國也一號州淳于公

元和初改于氏

姓氏急就篇淳于氏春秋淳于公之後國在北海淳于

縣今在山東安邱縣東北

貫

齊策燕攻齊章巖下有貫珠者原注元和姓纂引策作

貫殊人姓名

恩澤

案姓氏急就篇貫氏國名引此亦作

貫殊高士奇曰貫城古貫國

漢爲蒙縣地

今在曹縣西十里

江

楚策江乙爲魏使於楚章

恩澤

案元和姓纂江羸姓顓

頊元孫伯益之後爵封於江後爲楚所滅以國爲氏姓

氏急就篇引此爲証杜預曰江國在汝南安陽縣今在

汝寧府正陽縣東

黃

楚策或謂黃齊曰章

恩澤

案元和姓纂陸終之後受封

守黃爲楚所滅以國爲氏杜預曰黃國麻姓今七陽縣

故城在今光州東又州西十二里有黃城又臺駘封汾川其後黃國

守其祀見  
急就篇

翟

楚策魏相翟璜死章恩澤案元和姓纂黃帝之後代居

翟地國語云爲晉所滅詳見夷國

榮

趙策燕封宋人榮螽高陽君章恩澤案急就篇注周大

夫有食采於榮者因而氏焉補曰論語武王有亂臣十

人注有榮公高士奇曰杜注榮采地未詳恐卽榮錡氏

今河南鞏縣西有榮錡澗

又榮啟期  
泰山鄉人

茅

趙策趙使姚賈約韓魏章茅舉爲姚賈謂趙王曰

恩澤

案姓氏急就篇茅國名周公子所封其後爲氏高士奇  
曰杜注高平昌邑縣西有茅鄉後爲邾邑哀七年茅成  
子以茅叛是也今山東金鄉縣西北四十里有昌邑城  
又有茅鄉城卽古茅國

雍

魏策張儀以秦相魏章雍沮謂張子曰

恩澤

案元和姓

纂雍國名也在河內山陽文王十二子雍伯受封於此



子孫以國爲姓急就篇同今懷慶府修武縣西有雍城

陽

韓策謂鄭王曰章聶政陽堅恩澤案姓氏急就篇周景

王封少子於陽樊後裔避周之亂適燕家於無終因邑

命氏高士奇曰無終陽氏乃樊仲皮之後後漢志修武縣有樊陽田今在

濟源縣東南三十八里雖相近然中隔河內縣未詳孰

是

房

韓策魏王爲九里之盟章房嘉謂韓王曰恩澤案姓氏

急就篇房氏祁姓舜封堯子丹朱於房子陵以父封爲

氏周昭王娶於房曰房后戰國有房喜今爲汝寧府遂平縣

費

韓策張登謂費縹曰章

思澤

案姓氏急就篇魯有費邑

左傳有費庠父又季氏受費爲上卿其後亦爲費氏戰國有費縹詳見古邑

臧

宋策齊攻宋章宋使臧子索救於荆

思澤

案元和姓纂

魯孝公子彊食采於臧因氏焉

按杜注不言臧是地名姓氏急就篇亦不載此

說未知林氏何本其地亦不知所在

殷

衛策衛嗣君病章富術謂殷順且曰恩澤案姓氏錄

篇殷氏商子姓盤庚遷殷於是殷商兼稱武王克紂子

孫分散以殷爲氏又殷水在潁川

大潁水在今西華縣小潁水在今臨潁縣

又陳州府有商水縣居者亦以爲氏戰國衛有殷順且

常

中山策魏文侯欲殘中山章常莊談謂趙桓子曰恩澤

案元和姓纂衛康叔支孫封常邑因氏之

唐世系表同又見路史

一云黃帝常先後

按姓氏急就篇云黃帝使常儀占月又有常先常從老子師之則常先非

黃帝時人漢藝文志有常從日月星氣二十一卷

成

秦策頃襄王二十年章今王使成橋守事於韓原注秦

八案見周策

紀

趙策客見趙王曰章王何不遣紀姬乎

恩澤

案元和姓

纂姜姓炎帝之後封紀爲齊所滅以國爲姓其地在今

山東壽光縣東三十里

又有紀城亦在縣東南又鄒縣東南二十五里亦有紀城相傳

爲紀侯  
避難處

陰

中山策司馬喜三相中山意欲簡難之

恩澤

案元和姓

纂周文王第三子管叔鮮之後管夷吾

杜預釋例以管仲爲穆王後

七代孫修適楚爲陰大夫因氏焉風俗通又云康氏之後周有陰不佞陰里人也姓氏急就篇晉瑕呂飴甥食采於陰曰陰飴甥戰國策中山君美人陰簡楚陰在光化周陰在孟津晉陰在霍州

此與左傳晉陰地別

鮑

趙策秦圍趙之邯鄲章世以鮑焦無從容而死者皆非也

恩澤

案路史齊之歷下城東三十四里有鮑城齊乘

曰禹後有鮑叔仕齊食采于鮑因以爲氏叔牙其後見

三齊記